

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI DIZEL-MOTORA ZA POGON MOTORNIH VOZILA I MOTORNIH VOZILA SA DIZEL-MOTORIMA U POGLEDU EMISIJE ZAGAĐUJUĆIH SASTOJAKA, TE MOTORNIH VOZILA U POGLEDU UGRADNJE DIZEL-MOTORA HOMOLOGOVANOG TIPA

I PODRUČJE PRIMJENE

Član 1.

Dizel motori namjenjeni za pogon motornih vozila i motorna vozila sa dizel motorima moraju biti homologovani u skladu sa ovom naredbom.

Ova naredba se odnosi na:

1. emisiju vidljivih zagađujućih sastojaka iz dizel motora namjenjenih za ugradnju u vozila kategorija L, M i N;
2. ugradnju dizel motora homologovanih, u skladu sa ovom naredbom, u vozila kategorija L, M i N;
3. emisiju vidljivih zagađujućih sastojaka iz vozila kategorija L, M i N opremljenih motorima koji nisu homologovani u skladu sa ovom naredbom.

Ova naredba takođe definiše procedure koja će se primjenjivati u slučaju da se samo mjeri snaga dizel-motora.

II ZAHTJEVI

Član 2.

Jednoobrazni uslovi za dizel motore namjenjene za pogon motornih vozila i motorna vozila sa dizel motorima iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju: I dizel motora u pogledu emisije vidljivih zagađujućih sastojaka, II motornih vozila u pogledu ugradnje dizel motora homologovanog tipa, III motornih vozila opremljenih dizel motorima u pogledu emisije vidljivih zagađujućih sastojaka iz motora, IV mjerenje snage dizel motora (Pravilnik broj 24 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 24), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine“, broj /2010).

ECE pravilnik br. 24 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija dizel motora namjenjenih za pogon motornih vozila i motornih vozila sa dizel motorima iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja dizel motora namjenjenih za pogon motornih vozila i motornih vozila sa dizel motorima iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvedenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 24 prema Odluci o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi “Naredba o obaveznoj homologaciji vozila sa dizel-motorima u pogledu emisija zagađujućih sastojaka iz motora” („Službeni list SFRJ“, broj 11/85, 1/87).

Ministar

.....
mr sc. Rudo Vidović